

又方神麴末水服方寸匕亦治產難

又方赤小豆搗為散取東流水服方寸匕不瘥更服

又方含醎醋喫面即愈凡悶即喫之

又方取醎醋和產血如棗許大服之

治心悶方

產後心悶眼不得開即當頂上取髮如兩指大強以人牽之

眼即開

子死腹中第六

方論

論曰凡婦人產難死生之候母面赤舌青者兒死母活母唇口青口兩邊沫出者母子俱死母面青舌赤口中沫出者母死子

道藏輯要

孫真人千金方

續虛集十二

活

治動胎及產難子死腹中并妊娠兩兒一死一生服之令死者出生者安神驗方

蟹爪升一

甘草尺二

阿膠兩三

右三味以東流水一斗先煮蟹爪甘草得三升去滓次內膠令烱頓服之不能分再服若人困拗口內藥入即活煎藥作東向竈用葦薪煮之

真珠湯治胎死腹中方

熟真珠兩一

榆白皮升切一

右二味以苦酒三升煮取一升頓服之死胎立出

治子死腹中不出方

以牛屎塗母腹上立出

又方取竈下黃土三指撮以酒服之立出土當著兒頭上亦治逆生及橫生不出手足先見者

又方服水銀三兩立出

又方取夫尿二升煮令沸飲之

又方酢二升拗口開灌之

又方吞槐子二七枚亦治逆生

又方三家雞卵各一枚三家鹽各一撮三家水各一升煮令產婦東向飲之立出

道藏輯要

孫真人千金方

圭續虛集十二

又方瞿麥一斤以水八升煮取二升一服一升不出再服

治胎死腹中乾燥著背方

葵子一升

阿膠五兩

右二味以水五升煮取二升頓服之未出再煮服

治妊娠未足月而胎卒死不出其母欲死方

以苦酒濃煮大豆每服一升死胎立出不能頓服分再服一方用醇酒煮大豆亦治積聚成瘕

治妊娠胎死腹中若子生胞衣不出腹中引腰背痛方

甘草一斤

筒桂四斤

雞子一枚

蒲黃二合

香豉二升

右五味以水六升煮取一升頓服之胎胞穢惡盡去大良

治妊娠得病須去胎方

以雞子一枚鹽三指撮和服立下

此與阮河南療難產相同

又方麥蘖一升為末和蜜一升服之立下

又方七月七日神麴二升酢一升煮兩沸宿不食平旦頓服之

即下

又方大麥麴五升酒一斗煮三沸去滓分五服令盡當宿勿食

其子如糜令母肥盛無疾苦千金不傳

逆生第七方論

論曰凡產難或兒橫生側生或手足先出可以針錐刺兒手足入一二分許兒得痛驚轉即縮自當迴順也

道藏輯要

孫真人千金方

續虛集十二

治逆生方

以鹽塗兒足底又可急爪搔之并以鹽摩產婦腹上即愈

又方以鹽和粉塗兒足下即順子母秘錄云以鹽和明粉

又方取梁上塵如彈丸許二枚治末三指撮溫酒服之

治逆生及橫生不出手足先見者方

燒蛇蛻皮為末服一刀圭亦云三指撮面向東酒服即順

又方取蟬殼二枚治為末三指撮許溫酒服之崔氏外臺子母秘錄作丸二枚

為末

又方取大豆吞之兒手即持

丸出神驗